



Value Added Tax (VAT)

JENIS LONG VAT I GO ANTAP LONG 15 PESEN (15%)

BLONG OL STOA WE OLI REJISTA LONG VAT

Palamen blong Vanuatu hemi bin pasem wan loa blong leftemap level blong VAT we i stap naoia long 12.5% i go long 15% stat long namba 1 Jenuware 2018.

Taem yu gat wan stoa, loa i talem se yu mas soem se praes blong ol samting we i stap long stoa blong yu hemi ingkludum VAT. Folem jenis long level blong VAT, yu gat 21 dei blong seftem ol praes blong yu long niufala level.

Stat long namba 1 Jenuware 2018, go kasem namba 21 Jenuware 2018, bambae yu mas putumap wan notis blong talemaot long ol kastoma blong yu se taem oli go long lakes mbae yu seftem praes blong ingkludum VAT long niufala level blong hem.

Wan wei we i isi nomo blong seftem praes blong yu we i ingkludum VAT long niufala level blong 15% (minim se VAT i go antap long 2.5%), hemi blong tekem olfala praes blong yu taems 115/112.5

Blong givim wan eksampol : sapos praes blong wan samting long stoa blong yu hemi VT 2,250 wetem VAT long 12.5%, bambae yu tekem praes ia taems 115/112.5.

$VT\ 2,250 \times 115/112.5 = VT\ 2,300$ (hemia nao niufala praes wetem VAT long 15%).

NOTEM: Niufala praes i go antap long 2.5% we hemi 50 vatu.

Sapos yu gat eni kwestin long saed blong notis ia o sapos yu nidim moa infomesen, plis kolem tim blong mifala, we hemi Advisory & Education Team, long namba ia 33091 blong tokbaot wari blong yu.